

Broj: 02-14-7-3601/19

Datum: 04.07.2019. godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14), člana 110. Statuta općine Jajce („Službene novine općine Jajce“ broj 3/08) u postupku javne nabavke – konkurentskog zahtjeva za dostavu ponuda za nabavu roba koje se odnose na nabavku i isporuku ulaznih vrata na zgradi Općine Jajce i garažnih vrata, čije obavještenje je objavljeno na portalu javnih nabavki pod brojem 1190-7-1-26-3-18/19 od 12.06.2019. godine, na preporuku Komisije za javne nabavke broj 02-14-7-3601/18 od 03.07.2019. godine, Općinski načelnik općine Jajce donosi

ODLUKU **o izboru najpovoljnijeg ponuđača**

I

Prihvata se Preporuka Komisije za javne nabavke broj 02-14-7-3601/19 od 03.07.2019. godine i Ugovor o nabavci roba koje se odnose na nabavku i ugradnju ulaznih vrata na zgradi Općine Jajce i garažnih vrata . godini, dodjeljuje se ponuđaču:

"HDI" d.o.o. Sarajevo

Konačna cijena roba koje su predmet postupka javne nabavke utvrđena je na osnovu ponude odabranog ponuđača od 18.06.2019. godine a nakon provedene e-aukcije i ista bez uključenog PDV-a iznosi **12.611,25 KM** (slovima: dvanaestisućaašestotinajedanaest i 25/100 konvertibilnih maraka).

II

Ponuđač iz tačke I ove Odluke ocijenjen je kao kvalifikovan, a njegova ponuda od svih kvalifikovanih ponuda je najpovoljnija prema kriteriju za dodjelu ugovora iz člana 64. stav (1) tačka b Zakona o javnim nabavkama BiH (najniža cijena).

III

Ova odluka objavit će se na web stranici Ugovornog organa: [www. opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

IV

U skladu sa članom 45. stav (2) i 47. Zakona o javnim nabavkama BiH odabrani ponuđač iz tačke I ove odluke je dužan u roku od 5 dana od dana prijema ove odluke dostaviti Ugovornom organu dokumentaciju propisanu članom 45. stav (2) i 47. Zakona o javnim nabavkama BiH koja je zahtijevana tenderskom dokumentacijom. U suprotnom, Ugovorni organ će postupiti u skladu sa članom 72. stav (3) Zakona o javnim nabavkama BiH.

Ove obaveze se oslobađa ponuđač ukoliko je nevedenu dokumentaciju dostavio u svojoj ponudi.

O b r a z l o ž e n j e

Ugovorni organ – Općina Jajce je provela postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku roba koje se odnose na nabavku i ugradnju ulaznih vrata na zgradi Opine Jajce i garažnih vrata čije obavještenje je objavljeno na portalu javnih nabavki pod brojem 1190-7-1-26-3-18/19 od 12.06.2019. godine.

U predmetnom postupku javne nabavke Rješenjem Općinskog načelnika broj 02-14-7-3601/19 od 10.06.2019. godine imenovana je Komisija za javne nabavke.

Komisija je konstatovala da su blagovremeno zaprimljene tri (3) ponude i to ponude privrednih društava:

1. "HDI"d.o.o. Sarajevo
2. "ŽALUZINE STYLE" d.o.o. Zenica
3. "DASS" d.o.o. Jajce

Neposredno prije otvaranja ponuda Komisija je preuzela izvještaj o preuzimanju tenderske dokumentacije od strane ponuđača i utvrdila da su svi ponuđači preuzeli tendersku dokumentaciju sa Portala javnih nabavki.

Ocjenom zaprimljene ponude ponuđača "DASS" d.o.o. Jajce Komisija je utvrdila da ponuđač nije dostavio dokaze kojima dokazuje da ispunjava uslove u pogledu ekonomske i finansijske sposobnosti. Dokazi koji su traženi u tenderskoj dokumentaciji, tačka 2.3., a tiče se običnih kopija izvještaja o računima pravne osobe Centralne banke BiH te obične kopije potvrda poslovnih banaka da računi ponuđača otvoreni kod poslovnih banaka nisu blokirani u posljednjih šest mjeseci od datuma izdavanja potvrde (potrebno je dostaviti potvrde poslovnih banaka za svaki aktivni račun koji je naveden u izvještaju Centralne banke BiH). Uvidom u ponudu ponuđača "DASS" d.o.o. Jajce ustanovljeno je da imenovani nije dostavio obične kopije izvještaja o računima poravne osobe Centralne banke BiH te obične kopije poslovnih banaka. Također, Prilog V – Pismena izjava iz člana 52. Zakona o javnim nabavkama, navedena izjava nije ovjerena od strane nadležnog organa.

Obzirom na navedeno, ponuđač je ocijenjen kao nekvalifikovan i Komisija je takvu ponudu odbacila.

Ocjenom zaprimljenih ponuda ponuđača "HDI" d.o.o. Sarajevo i "ŽALUZINE STYLE" d.o.o. Zenica Komisija je utvrdila da su zaprimljene ponude dostavljene u skladu sa postavljenim uslovima u konkurentskom pozivu, tj. sve ponude sadrže tražena dokumenta te su ponuđači ocijenjeni kao kvalifikovani.

Nakon ocjene kvalifikacije ponuđača prešlo se na finansijsku evaluaciju ponuda te provjeri računskih operacija u cilju utvrđivanja eventualnih računskih greški. Komisija je utvrdila da nema računskih grešaka.

Poređenjem ponuda u cilju dobivanja najpovoljnije ponude, a sve u skladu sa kriterijima za ocjenu ponuda utvrđena je sljedeća rang lista:

1. "HDI"d.o.o. Sarajevo - ponudena cijena sa PDV-om iznosi 14.755,17 KM
(ponuda bez PDV-a iznosi **12.611,25 KM**)
2. "ŽALUZINE STYLE" d.o.o. Sarajevo - ponudena cijena sa PDV-om iznosi 14.958,52 KM
(ponuda bez PDV-a iznosi **12.785,06 KM**)

Komisija je na osnovu člana 18. Uputstva za pripremu modela tenderske dokumentacije i ponuda ugovornom organu – Općinskom načelniku, jednoglasno donijela

Komisija za javnu nabavku je Ugovornom organu dostavila Zapisnik o ocjeni ponuda, i Preporuku o izboru najpovoljnijeg ponuđača broj 02-14-7-3601/19 od 03.07.2019. godine.

Komisija je preporučila Ugovornom organu da se u predmetnom postupku javne nabavke dodijeli ugovor prvorangiranom ponuđaču "HDI" d.o.o. Sarajevo.

Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Svaki ponuđač koji ima legitimni interes u predmetnom postupku javne nabavke, a koji smatra da je Ugovorni organ prekršio jednu ili više odredbi Zakona o javnim nabavkama, ima pravo uložiti žalbu u pisanoj formi u roku od 5 (pet) dana od dana prijema ove odluke u skladu sa članom 99. i 101. Zakona o javnim nabavkama.

Dostaviti:

- Ponuđačima
- Službenik za informisanje
- a/a



Općinski načelnik

Edin Hozan